



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1312 Usque Ad Annum 1351

**Fleury, Claude**

**August. Vind. [u.a.], 1767**

**VD18 9011826X**

§. 35. Papa Romanis non fatifacit.

---

[urn:nbn:de:hbz:466:1-66305](https://nbn-resolving.org/urn:nbn:de:hbz:466:1-66305)



Sæcul. XIV.

A.C. 1327.

*Rayn. n. 9.*

diolani Ludovicum. Inquiebant ibi: Curvatis genibus flagitamus, ut Sanctitas tua quamprimum veniat, & abjectis cunctationibus solitis ipsa visat primariam sedem suam, quam oblita videtur. Alioquin jam nunc asseveramus, nos coram Deo, totaque Aula cælesti, coram ipsa Ecclesia, & cunctis per orbem Christianis excusabiles fore, siquid infaustum accidat, sique filii patris sui præsentia, & quasi capite destituti ad dextram vel sinistram deflectant partem. Id graviter tibi voce viva exposituros mittimus hos tres Legatos: & quia effectibus, non verbis habemus opus, stricte iis præcepimus, ut ne amplius triduo in aula Romana seu potius Avenionensi hæreant, sed celeriter revertantur, ut percepta eorum relatione nostræ securitati melius providere possimus.

## §. XXXV.

*Papa Romanis non satisfacit.*

**A**uditis Oratoribus Papa deliberationem ea de re cum Cardinalibus iniit: **n. 10.** illosque post triduum apparare abitum, & suum responsum necdum compositum videns, facta eisdem discedendi copia dixit se mentem suam aperturum per Nuncios, quos propediem missurus esset. Scripsit proin Romanis epistolam, cujus hæc



hæc erat summa. Tam cito Romam ire haud possumus perpenso apparatu, quem talis profectio postulat. Præterea nec mari, nec terra tutum faceremus iter: innumera quippe pericula nos manerent, simulque Fratres nostros Cardinales, ac illos, qui nostram sequuntur curiam, & qui sua ob negotia de cunctis terræ partibus eo veniunt. Ad statum Romæ quod attinet, scitis, an ibi pax regnet ac securitas. Nuper inde pellebantur Nobiles, & populo suas arces tradere, suosque liberos dare obsides cogebantur. Ingredi urbem per vos non licet Regi Roberto, quem nostram ibi vicem obtinere voluimus. Nec litteræ, nec Legati ejus recipiuntur, & qui populo Romano chari fuere, nunc ei sunt invisi ac suspecti ob hunc Principem. Adhæc Ludovicus Bavarus inimicus Dei & noster ad Præfules & Optimates dixit libere scripsitque has Romæ mutationes sua causa fieri; ibi se multum posse, nec sibi videri cujusquam viribus urbis ingressu prohibitum iri.

Tum eis Papa vehementer exprobrat, quod se Deo ac hominibus excusandos dixerint, siquid molestum contingeret, nempe si Bavarus admitteretur, ut explicassent vel ipsi Romæ Legati. Huc affert illud, quod S. Paulus ad Romanos scripsit: *Fides vestra annunciat in*

Sæcul. XIV.

A. C. 1327.

B. II.

2.1.11.13

.08.1

Rom. I. v. 8.



**Secul. XIV.** *universo mundo.* Quasi ageretur illic de  
**A.C. 1327.** fide divina, non de fidelitate Romano  
 Pontifici, ut Principi profano debita.  
 Hortatur, ut Bavaro strenue resistent.  
**n. 13.** Huic ingressum Romæ, ait, speciatim in-  
 terdiximus per litteras, quas Episcopus  
 Viterbiensis noster Vicarius promulgare  
 debuit. Dabat 27 Julii; ferebant Nun-  
 cii duo, Aniciensis Præpositus, & Aga-  
 thensis Chori Præfectus.

**n. 14.** Eodem tempore, nimirum 20 Julii  
 Papa Cardinalem Joannem de Urfinis,  
**J. Vill. l. 10.** suum in Hetruria Legatum jussit Romam,  
**l. 26.** vel vicinum huic locum opportuniorem  
 petere pacis & concordiae illic consti-  
 tuendae gratia. Legatus agebat Floren-  
 tiae, ubi die S. Joannis 24 Junii novas  
 contra Ludovicum Bavarum Papæ litte-  
 ras in foro S. Joannis promulgavit: dein-  
 de 30 Augusti Romam versus iter susce-  
 pit, ut accepto mandato satisfaceret, ac  
 Romanos cum Rege Roberto reconcilia-  
 ret; qui comperto Ludovici in Lombar-  
 diam adventu fratrem suum Joannem  
 Moreæ Principem miserat, regni sui fi-  
 nes defensurum. Hunc usque ad vici-  
 niam Romæ, ut eam intraret, progres-  
 sum Romani volebant recipere. Igitur  
 postquam Legatus Joannes de Urfinis se  
 illi junxerat, die lunæ 28 Sept. per frau-  
 dem ac tenebras nocturnas Romam in-  
 gressi, templum S. Petri, & proximam  
 partem



partem urbis occuparunt. Sed orta luce ab iis, qui opem promiserant, deserti post cruentam pugnam turpiter se subducere cogebantur. Ita Legatus injunctum sibi mandatum egit.

## §. XXXVI.

*Ludovicus intrudit Episcopos.*

Interim 12 Aug. digressus Mediolano Ludovicus Bavarus Urceis in quodam agri Brixiani castro comitia sive senatum habuit, ubi aderant omnes partium ejus duces: & his in comitiis nullam Papæ rationem ducens tres decrevit Episcopos, primum Cremonæ, Como alterum, tertium Tiferno. Ecclesiæ Cremonensi Papa 21 Martii hoc anno 1327 præfecerat Hugolinum Marcofanensem Dominicanum: qui Bandinum ab Imperatore sibi suffectum pepulit, & in sede Cremonensi septendecim annis se defendit. Comensis cathedra vacabat per obitum Leonis Rambertengii ex Ordine Minorum. Franquinus quidem Rusca tum Comi Dominus curavit per Collegium in Episcopum eligi suum fratrem Valerianum ejusdem Ecclesiæ Archidiaconum. Sed Papa electionem non habuit ratam: quia Franquinus ab Imperatore Ludovico stabat; cui propterea hæc electio adscri-

T 3

pta

Sæcul. XIV.  
A.C. 1327.

c. 33.

Ughell. to. 4.  
p. 830.

to. 5. p. 307.